

درسعادتده یکی پوسته خانه قارشوسنده
دائرة مخصوصه در
محل اداره:

مرآت القاصد

دین، فلسفه، ادبیات، حقوق و علوم دین باحث هفته لق رساله در

انظار:
مسلكمزه موافق آثار جدید مع المنزونه قبول اولنور
درج ایدیلین آثار اعاده اولنار

مؤسسلری: ابوالعلا زین العابدین - ح. اشرف ادیب

سنه لکی الق ایلغی

درسعادتده	۶۵	۳۵
ولایاتده	۹۰	۵۰
ممالک اجنبیه ده	۱۰۰	۵۵ غروشدر.

تاریخ تأسیسی:

۱۱ نموز ۳۲۴

درسعادتده نسخه سی ۵۰ باره در

قیریلهدن مقوا بورو ایله کوندریلیرسه سنوی
۲۰ غروش فضله آلدیر.

درسعادتده پوسته ایله کوندریلیرسه ولایات بدلی اخذ اولنور.

عدد: ۹

۳۲۶ رمضان ۲۶ پنجشنبه تشرین اول ۹ ۳۲۴

رجی سنه

آرسته کیدی ایسه اوراده کوکوشوب قالدی . کندیته مخالف اولان عادت و مراسم قدیمه یی یقوب محوایتدی . نورایمان حقیقتی هر هانکی قلنده اشراق ایتدی ایسه اوقلبی ادیان سائرته نک تسلطندن و قایه ایتدی . دین جلیل محمدی کندی قبول ایتدیرمک ایچون جاه و ماله ، باشقه بر دین و مذهبه اولان بر کیمسه یی اقناع ایچون حیلته تهدید و اطعامه محتاج دکدر . اسلامیتی نشر ایچون میسیونر جمیات رهبانیه سنک اختیار ایلدیکری فدا کارلقلرک هیچ برینه توسل ایدلماشدر . بونکله برابر بوجمیات رهبانیه نک بونجه اموال و نقود صرفیله ، بونجه مزاج و مهالک اقمامیله بر غیرت مذبحخانه ثمره سی اوله رق آره صره باشقه بر مذهبه کی بر قاچ خرسیانی کندی مذهبلرینه چویرملرینه ، یا خود بر قاچ پت پرسته کندی دینلرینی قبول ایتدیرملرینه مقابل نفوس اسلامیه نک عددی هندده ، چینه و باخه و ص آفریقاده کندیلکندن قبیله قبیله ، جاعت جماعت چوغالقه در . [کتب الله لا غلبن انا و رسلی ان الله قوی عزیز]

بعثت جلیله محمدیه بتون عالین اوزرینه اقامه اولمش هجت بالغه الهیه در ، دین اسلام جناب قادر قیومک ید عنایتیله ایقاد ایدلش بر مصباح درخشاندیکه خصمائی طرفندن مصنع افترالره انتشار ضیاسنه حیولت ایچون نه قدر جهد ایدلسه نوری اونسبتده آرتار . رونق جهان افروزی هر جمله ده نظر ربا بر پارلاقله تنویر ابصار ایدر . اعدای دینک بویولده کی مساعیسی شعله خورشیدی نفسریله سوندرمک کبی بر حرکت ابلهانه در . (بریدون ایطفوا نور الله بافوا هم والله تم نوره ولو کره الکافرون .) [۱] اون اوچ بحق تصردن بری در دین مبین اسلامه اعتراض و تعرض ایدنلر هپ غلبه هجت و برهان ایله سرنگون و خاکسار اولدقلری کبی دنیانک دم واپسینه قدر بو حال بویله جه دوام ایدوب کیده جکدر . قرآن کریم ینه حین نزولنده کی رونق دلشکار و جانپورینی محافظه ایدوب طوره جکدر . (انا نحن نزلنا الذکر و اناله لحافظون) زیرا حقیقتدر ، حقیقتک مغلوب باطیل اولسی ممکن دکدر . (الحق یملو و لایملی علیه)

بتون عالم بشریت بیلهرک بیلهرک ایشته بو حقیقتی اعلایه چالیشیور زمان کچرکجه مدنیت ایلرولدکجه علوم و معارف ترقی ایلدکجه مستقبلی اخباره متعلق اولان آیات و احادیث شریفه نک صدق و حقه مقرونیتی تبیین ایدیور . احکام شرعیه نک پرده پوش استتار اولان حکم و محاسنی ، کشفی اخلاقیه ترک ایدیلن سراری برر برر میدانه چیقور . بوده طبیعی دکلیدر . بزقرآنمه ، دینمه حقیقت دیورز ، نیر حقیقت ایسه ماهیتنه خال کما کسزین یوزبیک نقابدن عرض دیدار تجلی ایدر . چهره بر تونشاری سحاب ظلمتک حیلولیتله بر طرفده مستور قالسه یوزبیک پرده انظار اهل ابصاره مکشفوف اولور . علوم و فنونکده موضوعی

[۱] آنر نور الهی یی آغزریله یعنی سوزریله سوندرمک ایستلر . جناب حق ایسه کافرلرک خوشنه کمنسه ده ینه نور سبحانینک رونق علوتینی کوندن کونه تمام ایده جکدر .

حال بوکه قرآن کریم کرک الوهیتی و کرک امور آخرتی هر عقل سلیم قبول ایده جکی بر اسلوب عالی و بر طرز بدیده مکمل و مفصل بیان ایتمش ، حتی بویکی مطلبه دائر شرف نزول ایدن آیات بینات قوجه بر علم کلامه بیله مأخذ اولمش و علم مذکورک براهینی دخی ارایتلا ایله تأیید ایدلشدر . قرآن کریمک مأخذینی یالکز علم کلامه ده منحصر قالمشدر . تصوف ، اخلاق ، اصول ، فقه ، صرف ، نحو ، لغت سائر علوم و فنون اسلامیه نک کافه سی قرآندن اخذ و اقتباس ایدلشدر . حتی قرآنده علم طب دخی موجوددر . بوبابده برفقره مشهوره واردرکه بزوجه آتی ذکر اولنور .

اعلای نصارادن بریسی اجله اسلامیه دن بر ذته (علم ایکی نوع اولوب بریسی علم ادیان دیکری ده علم ابداندر . حالبوکه سزک کتابکزه علم ادیان مکمل موجود ایسه ده علم ابدانه دائر برشی یوقدر .) دیمه سی اوزرینه عالم مسلم (بزم کتابمزه جناب حق علم طبی بر آیتک نصفیله بیان بیورمشدر) جوانی ویرر . طبیب نصرانی و نصف آیتک بیان اولمشنی عام مسلمان طلب ایدر ، اوده (سزه حلال و نافع اولان طعمالری بیکز ، ظاهر و تمیز اولان صولری دخی ایچیکز . فقط بوبابده اسراف ایتیکز که الله مسرفلری سومن) مألند که نصف آیتی قرائت ایدر . بونک اوزرینه طبیب نصرانی حضرت رسول اکرم طرفندن دخی بوبابده بر حدیث شریف ورود ایدوب ایتدیکنی سؤال ایلر . عالم مسلمده بو سؤاله جواب اوله رق (موده هر خسته لغت مأوی و منشئی ، حمیه ده هر دوانک یکنه ریسیدر . و بدنه آیشدیردینک هر غذا و اسباب بقای ویرمیلدر .) مألنده اولان (المنة بیت الداء الخ) حدیث شریفی آتیان ایدنجه طبیب نصرانی « الحق نیکز و کتابکز حفظ الصحة و ازاله مرضک باشی اولان شیلری بیان ایدوب جالینوسه اصلا احتیاج بر اقامشدر » کلام منصفانه سیله مقابله ده بولنور . فی الواقع قرآن کریمه بدن انسانه نافع و مضر اولان شیلرک جمله سی مکمل بیان اولدقدن صکره نصف آیتده ده اطعمه نافعیه یی الکزه و اشربه طاهره یی شرعیه علی طریق الاباحه فرمان صدور ایتمش و حق الانصاف حفظ الصحة دخی بوندن عبارت بولمش اولدیفندن قرآن کریمک علوم سائر کبی علم طبی ده جامع اولدینی و بناء علیه جالینوسه دکل هیچ بر طبیبه حاجت بر ایدینی شه سزدر .

حالبوکه اگر بزم کتابمزه قرآن کریم اولیوبده مثلاً انجیل و تورات کبی بر کتاب اولسه ایدی ذکر اولندان علومک هیچ بریسی اسلامده بولقیه جق ایدی . ایشته بوده او کتاب مبینک صدق رسالت احدییه دلالت ایدن معجزات باهره جمله سندن اولدینی اثبات ایتکده در .

موسی لایم

عقیده اهل سنتک مجملأ بیانی

— مابعد —

ینه تکرار ایدر که حقیقت دائماً حقیقتدر . حقیقت معشوقه و وجدان انسانیتدر . آنک دیار و مکان مخصوصی اولماز . آنک جابجا ، استقراری قلوب بی آدمدر . ایشته بوندن طولاییدر که دین اسلام هر هانکی قومک

حقایق اشیایی کتم ایتمکدن عبارت اولنجه آنلره خادم اولان مفکره. لرك، دهالریله عالم معرفتده نام براقان رجال علمك عقلا و حساً رد وانكار ایدلین محصل اکتشافاتی دینمک احکامی، او حقیقه الحقایق تأیید ایتزده نه یاپار؟ هم نه حاجت؟ قرآن کریم میدانده دکلیدر؟ هپ بزى کشف اسرار خلقتنه، حقایق اشیایی اوکرمکه، آثار قدرت الهی حیوانانه یا قشیر برنگاه بسیط جاهلانه ایله دکل، بیوک آدمیره لایق برنظر دقیق حکیمانه ایله تماشا ایتمه سوق ایدوب طور میورمی؟ دینم حقایق فیهیه معارض اولسه جناب حکیم ذوالجلال بو طرز استدلاله نصل مساعده ایدر؟ بناء علیه ارباب فنك ولو بیلیرهك، ولو دینمزی قبول ایتمهك اولسون بوکمی مساعیلری محض فضل واحسان الهی اولهرق قلوبمزه تودیع اولونان خزائن معرفتک قبولرینی آچدینی، کلام الله ایله کلام رسول اللهدن کشف معانیسی الحکمة آنیه معلق اولانلرینی تفسیر ایتدیکی ایچون مشکوردردر. (ان الله عز وجل یؤید هذاالدین باقوام لاخلاق لهم) (ان الله لیؤید الاسلام برجال مام من اهله)

الحاصل عالم مدینتده ایلرویه آتیلان هر خطوه دین اسلامه طوغری، احکام شریعت طوغری برتقربدر. سلاحه علوم وفنونه ظاهره چیقان هر حقیقت مسلمینك، لك عین مشروعیدر. آنی کندی ماللری کبی اخذ وقبول ایدرلر. (الحکمة ضلالة المؤمن اخذها این وجدها) بز ارباب فندن یالکز معلومات جزئیة بشریهی کافی کوره. رك عوالم ایچنده مکنون اولان حقایقک کانه سنه وقوف ادعاسنده بوانسانلری، دلائل عقلیه وحسیه ایله مرتبه ثبوت وارمش اولان معلوماتک محقق ادعا ایله اکتفا ایتمهك قدرت واذعانک فوقه چیقمق و بیلدیکی شیلر حقنده کی ظن و تخمیننده، صرف عندی اساسلره مستند نظریاتنده حقیقت سوسی وبرمک ایستین جرأتکارلری مؤاخذه وحقیقتدن بی خبر اولان هوام نامی علم و معرفت نامنه اضلال ایتملرینی توصیه ایدرلر. بو مؤاخذه و توصیه علوم وفنون صحیحده بزه اشتراك ایدر. زیرا موضوعی تعمیری وکشف حقایق اولان علم وفن زین وضلالی موجب فکرلردن کلیاً تبری ایدر (مالهم به من علم ان یتبعون الا الظن وان الظن لایغنی من الحق شیئاً [۱])

امر نهم

فلسفه حقیقت

— مابعد —

بو بویه اولدینی کبی دکز صوبی ده تبحر ایدنجه حاوی اولدینی املاحی ترك ایدرک طاتلی، لذیذ اولهرق یره اینر.

[۱] آنلر سوزلرینی تأیید ایچون هیچ برجه استناد ایتزلر آنجق ظنلرینه تبعاً بو سوزلری سوبلرلر حالبوکه ظن بر شیک حقیقتی بیلکه فائده ویرمز.

حرارت هوایه صعودی نسبتنده تنافص ایتدیکی ایچون یوکسک طاغیرک تپهلرنده صیجاق پک آزدر، حتی خط استواءه حرارت ارضیه صوک درجه شدتله حس اولنورکن اوراده قطبلرده کی صوثوق درجه سنه برودت حس اولنقدن ممکن در، بوده هوایه صعودک بیکلرجه مترو مسافنده اولسیه حصوله کلیر. یاغور طاغیرک تپهلرینه دوشونجه اوراده درجه حرارتی - صوبی طوکدیره حق درجه اولان صغردن - دها آشاغی بولدینی ایچون قار اولهرق تراکم ایدر، بیریکیر. حتی طاغیرک تپهسنی بر انجی طبقهسی کبی هم بیاض تزیین ایدر. صوکره یاواش یاواش انیمه، چوزولمهیه باشلار. حرارتک دها زیاده بولدینی یرلره ایندکجه اریر، بویوک بویوک سیلر حصوله کلیر کوللری طولدیرر. بولردن ده نهرلره آقار. . . انسانلر، حیوانلر، نباتات تغذی ایدر، فیضلانیر، نشو و نما بولور. . . ایشته دنیانک نهرلری، ایرماقلری بویه وجوده کلیر.

ایمدی قارک ذروه جبلدن انیمسی، چوزولمهسنی احتاج ایدن تدبیری حقیله دوشونوب تعمیق ایتک انسان حیرته، دهشته القا ایدر: اگر قار طاغیرک تپهسنده قالمش اولسه - حرارتک صفر درجهده بیه آشاغی بولمه سندن - کونش اریته مزی - نه اولوردی؟ اولیه اولدینی کبی طاغیرک دینه اینر، هپ بردن اریر، نهرلر، ایرماقلر طغیان ایدر. کویلری، قصبه لری صوباسار. . . هپسی بردن دکزه دوکیلور، بوتون سنه نهرلر اولیه جه قالیر. . . قوراقلقدن شکایت اولنور. . . بر چوق انسانلرده هلاک اولور کیدردی. فقط جناب حکیم تعالی [عز وجل] صهاد بیورمدقجه بویه اولیور، واولیه حق. زیرا قار طاغیرک اتکنه غایت بدیع برهندسه مخصوصهیه تبعاً آزار آزار، یاواش یاواش اینر. علما حساب ایتمش: قارک بو چوزولشده کی، انیشده کی سرعت سنویهسی ۱۰۰ متروی کچیور، بو صورتله قارصولری بوشنه آقوب ضایع اولمقدن قور تولیورمش. . . اگر بو تدبیر خرد فرسا اولیه ایدی بز صوسزلقدن هلاک اولوردق. . . ایشته طاغیرک حکمت ایجادی بوتون حقیقیله، کنیهله تقدیر اولنه ماز: اگر اونلر اولیهیدی او بویوک، بویوک نهرلری بز نره دن بوله جقدق! . . . اونلر عادتا صولرک مخزنی، صهرنجی کبی اولیور. . . اوصورتله که عقل بوتنسیقک، بوتدیرک سر و حکمتی حقیله احاطه ایده من.

علماء هیئت تقدیر ایتشلر: کونشک هر سنه دکزدن تبخیر ایتدیکی صوبک مقداری ۲۲۱ تریون مترو مکبئی بولیور، بوایه ۳۲۰۰ قاتریون مترو مکبئی تخمین اولنان دکزلرک جمنک ۴۰۰؛ جزئندن بر جزئنه مساوی اولیور. صوکره دیورلرکه: اگر دکزلرک قورومسنی فرض ایلسهک بوتون دنیانک نهرلری اونی ۴۴ بیک سنهده طولدیره بیلور.

علماء هیئت دیورکه: بو تبخیر ایچون مستعمل اولان حرارت شمس ۱۱ ملیار مترو مکبند بولسان بر دمی کتله کبیرهسنی اریتمهیه کافیدر. اولیه کتله که اوروپانک آب طاغیرینک اکثری سندن دها بویوک کونشیدن بزه کلن حرارت پک عظیمدر. . . دیورلرکه: برمترو مکبده سنوی ۲،۳۱۸،۱۵۷ قالوری حصوله کتیرر. . . یعنی برهکتارده